

神輿本經會通

常山○畏玉扎。忌葱。及菰菜。實黃者呼爲鷄骨常山。
用最勝。○蜀漆根也。○局云。剉碎。酒浸一晝夜。蒸
過。

味苦辛。氣微寒。有毒。○東云。理痰結。治溫瘧。○走
云。除水。治寒熱癰瘤。并鬼毒。吐瘧。除蠱脹。水脹。及
搜痰。

本經云。主傷寒寒熱。熱發溫瘧。鬼毒。胸中痰結。吐
逆。療鬼蠱往來水脹。洒洒惡寒。鼠瘻。八月採根。陰
乾。○藥性論云。常山。忌葱。味苦。有小毒。治諸瘧吐。

痰涎。去寒熱。下瘤癭。不可進多。令人大吐。○肖炳云。得甘草。吐瘡。○日華子云。忌菘菜。○丹溪云。常山屬金。性暴悍。善驅逐。能傷人真氣。切不可過。病人稍近虛怯。不可用也。惟雷公云。老人與久病。切忌之。而不明言其害。外臺秘要。乃用三兩作一服。煎頓服。以治瘡子。恐世人因秘要之言。而不知雷公之意。○劄云。常山味苦。性微寒。治瘡切多大吐。涎黃。細形如雞骨。勝苗名蜀漆。一般看。○常山吐涎。截瘡。

蜀漆○使也。栝樓、桔梗爲之使。畏橐吾。○常山苗
味辛。氣微溫。有毒。○湯云：純陽。辛平。有毒。○珍云：
消積聚。及邪氣。癥瘕。破堅痞。并瘴鬼。久瘧。導膽。洗
去腥。須同酒用。

本經云：主瘧。及欬逆。寒熱。癥堅痞結。積聚。邪氣。蠱
毒。鬼疰。療胃邪結氣。吐出之。常山苗也。五月採葉。
陰乾。○藥性論云：蜀漆使味苦。有小毒。治瘴鬼瘧。
多時不差。去寒熱瘧。治溫瘧寒熱。不可多進。令人
吐逆。主堅癥。下肥氣積聚。○日華子云：治癥瘕。○

蜀經云。根。葉。二味爲治瘡之最要。仲景蜀漆散用蜀漆。雲母。龍骨等分。杵末。患者至發前。以漿水和半錢服之。溫瘡加蜀漆半分。臨發時服一錢匙。○珍云。破血。○心云。洗去腥。與苦酸同用。導膽。○成無已註云。火邪錯逆。加蜀漆之辛以散之。

草果

味辛。氣溫。無毒。○東云。益脾胃。止嘔吐。○韋云。化痰母。除濕。溫脾。及吐酸。消氣脹。解瘟。辟瘴。逐寒痰。○本草原缺。○劄云。草果味辛。消氣脹。主除濕勝。

治脾寒。解瘟辟瘴。化瘡母。散逐寒痰。及吐酸。○草果仁。益氣溫中。共常山攻瘡。

馬兜零。○土青木香子也。只取向裏面子。去革膜。入藥炒用。

味苦氣寒。無毒。○湯云。苦陰中微陽。味苦寒。無毒。○東云。治嗽。○珍云。安肺經。去肺熱。及補益肺氣。胸中痰結可解。欬嗽喘促皆除。○聿云。定喘消痰。止嗽。通氣。除血蠱。醫痔瘻。兼主欬逆。

本經云。主肺熱。欬嗽。痰結喘促。血痔瘻瘡。○藥性

論云。平。能主肺氣上急。坐息不得。主欬逆連連不可。○日華子云。治痔瘻瘡。以藥於餅中燒熏病處。入藥炙用。是土青木香獨行根子。○晁經云。亦名青木香。七八月採實。暴乾。主肺病。三月採根。治氣下膈。止刺痛。○聖惠方。治五種蠱毒。○劄云。馬兜零子如鈴狀。根卽名爲土木香。肺熱欬痰成喘促。瘰癧血痔用之良。○卽局方。○馬兜零。主熱生嗽喘。

獨行根。○名爲土木香。一名兜零根。

味辛苦。氣冷。有毒。

本經云。主鬼疰。積聚。諸毒。熱腫。蛇毒。水摩爲泥。封之。日三四。立差。水煮一二兩。取汁服。吐蠱毒。○唐注云。療丁腫。大効。○別注云。不可多服。吐痢不止。○日華子云。無毒。治血氣。

劉寄奴○又名金寄奴。莖似艾蒿。葉似蘭草。子似稗而細。六七八月採。苗花子通用。○局云。酒蒸晒。○一云。去莖葉。只用實。

味苦。氣溫。無毒。○東云。散血。療湯火。金瘡。○走云。

治心痛水脹兼腸痛又治刀傷主通經破血療湯火產後瘀疼。

本經云主破血下脹多服令人痢。○別注云療金瘡止血爲要藥產後餘疾下血止痛極効。○日華子云金寄奴無毒治心腹痛下氣水脹血氣通婦人經脉癥結止霍亂水瀉。○經驗方治湯火瘡至妙先以糯米漿鷄翎掃湯著處後糝寄奴末在上並不痛亦無痕大凡湯著處先用鹽末糝之護肉不壞然後藥末傅之。○局云劉寄奴溫能破血婦

人經閉最能行。并醫湯火金瘡妙。多服令人痢疾生。○劉寄奴。破血。行經。金瘡最妙。

藁香子○亦名茴香。得酒良。入藥炒用。陰乾。○局云。酒浸一宿。焙乾。

味辛。氣平。無毒。○湯云。入手足少陰經。太陽經藥。○東云。治疝氣。腎疼。○聿云。開胃。調中。主胎腹疼。霍亂。通膀胱腎氣。

本經云。主諸痿。霍亂。及蛇傷。○今注主膀胱腎間冷氣。及育腸氣。調中。止痛。嘔吐。○藥性論云。亦可

單用。味苦辛。和諸食中。甚香。破一切臭氣。又卒惡
心腹中不安。取莖葉煮食之。卽差。○日華子云。得
酒良。治乾濕脚氣。并腎勞癰疽氣開胃。下食。治膀
胱痛。陰疼。入藥炒。○呂經云。古方療惡毒癰腫。或
連陰髀間疼痛。急攣牽入小腹。不可忍。一宿則殺
人者。用茴香苗葉。搗汁服之。其滓以貼腫上。冬中
根亦可用。○象云。破一切臭氣。調中。止嘔。下食。炒
黃色。碎用。○液云。茴香。本治膀胱藥。以其先丙。故
云小腸也。能潤丙燥。以其先戊。故從丙至壬。又手

足少陰二藥。以開上下經之通道。所以壬與丙交也。○丹同。○衍義曰。治膀胱冷氣及腫痛。亦調和胃氣。治小腸甚良。○劄云。懷香子是小茴香。開胃調中得酒良。主治腹疼并霍亂。更通腎氣及膀胱。○卽局方。○茴香。治霍亂轉筋。通腎氣。

石龍薊。○俗名龍鬚草。今人以爲席者。○五七月採莖。八九月採根。暴乾。

味苦。氣微寒。微溫。無毒。

本經云。主心腹邪氣。小便不利。淋閉。風濕。鬼疰。惡

毒補內虛不足痞滿身無潤澤出汗除莖中熱痛
殺鬼疰惡毒氣久服補虛羸輕身耳目聰明延年
九節多味者良○別錄云主療蛇蟲又不消食○
陳藏器云龍鬚作席彌敗有垢者取方尺煮汁服
之主淋及小便卒不通

燈心草○或云卽龍荔重出

味甘氣寒無毒

本經云根及苗主五淋生煮服之莖員細而長直
人將爲席敗席煮服更良○丹溪云屬土火燒爲

灰取少許吹喉中。治喉痺甚捷。經驗方。治小兒夜啼。燒灰塗乳上與喫。○勝金方。治破傷。多用燈心草爛嚼和唾貼之。用帛裹血止。又治小蟲蟻入耳挑不出者。以燈心浸油鉤出蟲。○局云。燈心無毒味甘平。水煮根苗治五淋。兒子夜啼。燒末服。破傷搗傳直千金。○燈心去尿。燒灰善止夜啼童。

菖蒲○君也。秦艽爲之使。惡地膽。麻黃。忌飴糖。羊肉。

○石澗所生。堅小。一寸九節者良。露根不可用。五月十二月採根。陰乾。一名菖陽。不可犯鉄。○雷公

云。凡使勿用泥菖。夏菖。二件相似。如竹根鞭。形黑。氣穢。味腥。不堪用。石上生者。根條嫩黃。緊硬。節密。長一寸有九節者。真。○晁經云。又有水菖蒲。生溪澗水澤。葉無脊。乾後輕虛。多滓。不及石菖蒲。不堪入藥。相雜尤難辨。○局云。剉碎微炒用。

味辛。氣溫。無毒。○東云。開心氣。散冷。更治耳聾。○走云。主風濕癰瘡。及誅蟲。煖血。斷鬼。又溫中。開心。通竅。專治耳聾。

本經云。主風寒濕痺。欬逆上氣。開心孔。補五臟。通。

九竅明耳目。出音聲。主耳聾。癰瘡。溫腸胃。止小便。
利四肢濕痺。不得屈伸。小兒溫瘡。身積熱不解。可
作浴湯。久服輕身。聰耳明目。不忘不迷惑。延年益
心智。高志不老。○藥性論云。菖蒲君。味苦辛。無毒。
治風濕癢痺。耳鳴頭風。淚下。鬼氣殺諸蟲。治惡瘡。
疥癢。石澗所生。堅小。一寸九節者上。○日華子云。
除風下氣。丈夫水臧。女人血海。冷敗多忘。長智。除
煩悶。止心腹痛。霍亂轉筋。治客風瘡疥。澀小便。殺
腹藏蟲。及蚤虱耳痛。作末炒。承熱裹。甚驗。○

經云。治心腹冷氣。搗痛者。取一二寸。槌碎。同吳茱萸煎湯飲之。良。○衍義云。有人遍身生熱毒瘡。痛而不痒。手足尤甚。然至頸而止。粘着衣被。曉夕不得睡。痛不可任。有下俚教以菖蒲三斗。剉日乾之。搗羅爲末。布蓆上。使病瘡人恣臥其間。仍以被衣覆之。既不粘着衣被。又復得睡。不五七日之間。其瘡如失。○局云。菖蒲一本號昌陽。去濕風寒。可作湯下。氣開心聰耳目。寸生九節者爲良。

菟絲子○君也。得酒良。酒浸暴乾。再浸再暴。杵末用。